

U ČEMU JE ZNAČAJ USKLAĐENOSTI

Usklađenost sa Standardima je ključ za izražavanje uvjerenja

Uvod

Interna revizija sprovodi se u različitim pravnim i kulturnim sredinama; u organizacijama koje se razlikuju prema svrsi, veličini, složenosti i strukturi, a sprovode ih i implementiraju pojedinci u/li van organizacije.. Međutim, nezavisno od okruženja, interna revizija je ključni faktor za efikasno korporativno upravljanje i uspjeh organizacije.

Kako bi na najbolji način doprinijela organizaciji i osigurala povjerenje zainteresovanih strana, interna revizija mora djelovati u skladu sa najvišim etičkim standardima i profesionalnim kompetencijama i osigurati dosljedno, istinito i objektivno uvjerenje na osnovu rizika, savjeta i uvida. Interna revizija dostiže najviši nivo efektivnosti kada su njeni resursi, kompetencije i struktura usklađeni sa strategijom organizacije i slijedeći Međunarodni institucionalni okvir (IPPF) koji objavljuje Institut internih revizora (IIA)¹.